

Na osnovu generalno ustanovljenih potreba za bližom saradnjom s ciljem podrške ekonomskom i društvenom razvoju, zaštite i unapređenja okoliša i praktične potrebe da se pripremi i usvoji Integrirana strategija lokalnog razvoja općine Gračanica, te potrebe zajedničkog informisanja, kao i harmonizacije razvojnih inicijativa, programa i aktivnosti u općini Gračanica, dana 12.01.2010.godine članovi partnerske grupe za razvoj općine Gračanica, u daljem tekstu PG, postižu

SPORAZUM O STRATEŠKIM ULOGAMA I ZADACIMA U PARTNERTNERSKOJ GRUPI ZA RAZVOJ (PG)

Član 1.

Dolje potpisani se slažu da, u skladu sa svojim kompetencijama, znanjima i sposobnostima, preuzmu odgovornost i provode sljedeće strateške uloge i zadatke u Partnerskoj grupi za razvoj općine Gračanica:

- Unapređenje lokalnog poslovnog okruženja analiziranjem i otklanjanjem administrativnih i regulativnih prepreka nad kojima općine Gračanica ima nadležnosti, te razvijanjem podržavajuće poslovne infrastrukture;
- Iniciranje i razmatranje potrebnih analiza ekonomskog i socijalnog stanja u općini i u domaćem okruženju, radi strateške procjene konkurentnosti općine u novim globalnim i lokalnim okolnostima;
- Kreiranje vizije razvoja općine Gračanica sa ključnim strateškim i operativnim ciljevima za naredni period;
- Pospješivanje pripreme općinske strategije razvoja, te programa i projekata koji će se implementirati u okviru te razvojne strategije;
- Saradnja u identifikaciji i pripremi projekata koji doprinose ekonomskom i društvenom razvoju općine Gračanica, sa posebnim fokusom na one koji više doprinose zapošljavanju;
- Predlaganje prioriternih razvojnih projekata i programa koji su potrebni u općini Gračanica, savjetodavno djelovanje, te pružanje pomoći u implementaciji programa i projekata;
- Ulaganje napora u privlačenje sredstava iz lokalnih/ regionalnih, domaćih i međunarodnih izvora za buduće programe i projekte razvoja u općini Gračanica
- Praćenje širih razvojnih politika i uticaja javnih politika na ekonomski i društveni razvoj općine Gračanica;
- Imenovanje radnih grupa u skladu sa prepoznatim potrebama i aktivnostima na području razvoja općine Gračanica. Radne grupe će operativno saradivati sa međunarodnim i domaćim projektima i institucijama u pripremi i realizaciji razvojnih strategija, programa i aktivnosti;

- Koordinacija razvojno orijentiranih napora, aktivnosti i projekata sa drugim općinama, regijama, entitetskim i državnim institucijama, međunarodnim organizacijama i sl.

Član 2.

Ujedinjeni smo u stavu da će se poštovati sljedeći principi dobrog partnerstva:

- Razvijanje međusobnog povjerenja i suradnje
- Zajednički interesi
- Proaktivni pristup
- Širenje partnerstva
- Preuzimanje odgovornosti
- Princip održivosti, socijalne uključenosti i jednakopravnosti spolova.

Član 3.

Svjesni smo da nas očekuje posebno intenzivan rad u procesu pripreme Strateškog plana ekonomskog razvoja **općine Gračanica**, i spremni smo dati svoj puni doprinos uspješnom odvijanju tog procesa, kako u pogledu redovnih (u principu mjesečnih) zasjedanja Partnerske grupe, tako i u pogledu formiranja i zaduživanja posebnih radnih grupa prema potrebama izrade Strateškog plana.

Očekujemo punu i plodotvornu saradnju sa općinskim razvojnim timom, zaduženim za tehničku pripremu strateškog plana.

Član 4.

Sastavni dio ovog Sporazuma je Prilog br 1.- potpisnici Partnerske grupe za razvoj.

Broj: 05-28-00081-2010.

Datum, 12.01.2010.godine